

5. Taith Dyffryn Clettwr

Pellter ac amcangyfrif o'r amser: 4.8km (3 milltir), 2 awr ac eithrio seibiannau. Gellir cydgysylltu sawl un o deithiau cerdded ardal Llandysul i gynyddu neu fyrhau'r pellter cerdded.

Tir: Mae'r daith gerdded brydferth hon yn eich tywys o Eglwys Dewi Sant hyd at Capel Dewi, tua'r de ar hyd Dyffryn Clettwr ac yn rhoi golygfeydd hyfryd o'r tirwedd o gwmpas. Argymhellir esgidiau cerdded a socasau ar ôl glaw trwm. Dylid cadw cŵn ar dennyn.

Addas i: Gerddwyr cymharol heini.

Gradd: C yn unol â'r meini prawf ar dudalen 1.

Cychwyn: Maes parcio neuadd Eglwys Capel Dewi, sef OS SN452425.

Lluniaeth: Mae dewis yn Llandysul o gaffis, bwytai a thafarnau traddodiadol (www.llandysul-ponttyweli.co.uk) a lleolir meinciau picnic yn y parc sydd wrth ymyl y maes parcio a'r safle bws.

Toiledau Cyhoeddus: Llandysul – Maes parcio (sy'n hygyrch i bobl anabl ac sy'n meddu ar gyfleusterau newid babanod) OS SN418406.


Mapiau: Map O/S Explorer 185 1:25000 Castell Newydd Emlyn

Opsiynau pellach:

Opsiwn hirach – Cyfunwch y daith hon â:

- Thaith gerdded rhif 4, sef Gogledd Dyffryn Clettwr (3.2km/2 filltir, 1 awr ychwanegol, heb seibiannau).

Mae ffordd wahanol o gerdded y daith sy'n defnyddio'r un man cychwyn ac sy'n estyn ychydig ar y daith (fe'i nodir ar y map)



© Hawlfraint y Goron. Cedwir pob hawl Cyngor Sir Ceredigion, 100024419, 2011.

Disgrifiad MANWL o lwybr y daith

Capel Dewi i fferm Penpompren

30 munud: Trowch i'r chwith o faes parcio neuadd yr Eglwys a throwch i'r dde, gyferbyn â mynedfa Eglwys Dewi Sant, i ddringo stepiau wrth ymyl tŷ. Ar y ffordd (B4459), trowch i'r dde a dilynwch hi am 1.15km i fferm Penpompren.

Fferm Penpompren i Feillion Bach

45 munud: 150 metr wedi mynd heibio i fferm Penpompren, trowch i'r dde ① i lwybr sydd â giât ato a choed ar hyd-ddo (mae arwydd) a pharhewch drwy ddwy giât. 10 metr ar ôl yr ail giât, ewch drwy giât fechan ag arwydd ati tua'r chwith a pharhewch yn syth ymlaen i'r Afon Clettwr. Croeswch y bont droed (sticil) a dilynwch y llwybr drwy'r goedwig (tŷ haf yn y coed ar y dde). Ar ôl 200 metr, croeswch sticil i'r dde i giât fetel a throwch yn syth i'r dde i gymryd llwybr cyhoeddus anelwig sy'n dringo rhiw. 20 metr cyn y bydd ffin dde'r cae yn troi'n sydyn i'r dde, trowch i'r chwith a cherddwch i fyny'r rhiw ② (i'r chwith i hen berth anelwig/trywydd ffin cae) i gyrraedd ffin y cae. Ewch dros ben sticil (lle y gall fod gordyfiant) a dringwch y rhiw i gyrraedd giât yng nghanol ffin nesaf y cae. Cerddwch i gornel dde uchaf y cae nesaf. Ewch drwy'r giât a throwch i'r chwith dros sticil i'r heol. Trowch ar y dde i'r heol a dilynwch hi am 225 metr hyd at giât sydd ar ôl tŷ Meillion Bach ac ysgubor, ③ ac o flaen tro i'r chwith.

Meillion Bach i Gapel Dewi

45 munud: Ewch i mewn i fuarth fechan/cae a chroeswch (30 metr) i sticil (mae arwydd) yn y ffens i'r chwith i giât. Dilynwch ffin dde'r cae i groesi sticil (mae arwydd) a pharhewch ar hyd ffin dde'r cae nesaf i'r goedwig. Dilynwch ymyl y goedwig i'r fan lle bo'n troi i'r dde ④ ac yn mynd i lawr y gwaered heibio i bentwr o gerrig hyd at sticil. Cymerwch lwybr grisiog sy'n arwain i lawr y gwaered a thua'r chwith. Croeswch sticil i lôn wledig a throwch i'r dde heibio i Fwthyn Pant yr Aethren a sawl ysgubor sydd wedi'u haddasu hyd at Gapel Dewi (1.4km).